



تاریخ وادستات

حامد ۱۳۳۶

مجموعه

برکون بیلنیر قیسی مجموعه ملک اما
پلاچوق آوانیر اورتهده مجموعه بولمیز

ایتدک شرف خدمت اجدادی فراموش
آثارینه اسلافنک رغبت اولمیز

نظيره ، نامق کمال بك

استاد قدرتكدر قدیم اولمق بكا

یوقسه واجبدر حدوئمدن عديم اولمق بكا

متحددر علم ذاتككه یقین عارفان

چوق دكل اسما وافعالك علم اولمق بكا

پرتوك سینممدن ایلر نشر انوار شهود

لايق اولمز طالب باغ نعيم اولمق بكا

تندم روحك جانده نور فیضك ایتدك آشكار

لازم اولدی هم مسیح وهم کلیم اولمق بكا

هم کلیم طور وسلم هم مسیح اوج عشق

جوقیدر وحی آور فیض عمیم اولمق بكا

مقتدای همتمدر رحمة للعالمین [۱]

بی کانددر واصل سر رحیم اولمق بكا

نعت کوی حضرت محبوب خلاقم و کمال

قرب اودانده شایاندر ندیم اولمق بكا

نظيره ، فائق ممدوح پاشا

اول که علم اقدسکدندر قدیم اولمق بكا

شوق قریبکدن ظهور ایلر عديم اولمق بكا

علم الاسمان اولدم حکمت آموز رموز

آدم اسراریکی لایق علم اولمق بكا

علم ایله ممتاز و عرفان ایله قلدك سرفراز

ای کمال حکمتکدندر حکیم اولمق بكا

[۱] آفرین نامق کمال بك ، فهیمك نجه غالیبتندن قورتولمق ایچون نعت

جناب رحمة للعالمینہ النجای کوزل بولمشك بشقه چاردهده یوق .

همتم جبريله ايلر عرض شهرام جمال
ناروادر ساكن عرش عظيم اولوق بكا
(فائق) اولوق سالم آلايش مال وبنون
چوق دكلدر مالك قلب سليم اولوق بكا

امیری جامع الحروف

خوش كلور بر بشفه طالده مقیم اولوق بكا
جرعه نوش انجمنكاه قدیم اولوق بكا
حسرت كویكه برك خشكه دوندی جسم زار
شكل امکان آلدی همراء نسیم اولوق بكا
حق بیلور سی وطندن بشفه یوقدر مقصدم
بك شرفدر حائر عقل سلیم اولوق بكا
ایتمدم جمعیت اهل نفاقه اتباع
ممتنعدر تابع جمع لثیم اولوق بكا
خلقت تشریف ایله ممتاز اولان ادمدم
لایق اولمز حامل فکر سقیم اولوق بكا
زمره اقوام آدم برپدر اولادیدر
لازم اولدی هم خلوق وهم حلیم اولوق بكا
حق بیلور هر فردده انسانیت ایتك ایسترم
آرزودر واصل اجر عظیم اولوق بكا
ضعف تن فکر رخكه بویه ایتدی انقلاب
چوقیدر بزم محبتده شیم اولوق بكا
آكلادم كل بسله مکدن باغبانك قصدنی
غنجه وش ممکنمی دنیاده بسیم اولوق بكا